

COLECCIÓN
XYZ

KUIMBA'EREKO MBARETEJEPORU'ÛRE

Kuimba'ereko mbaretejeporu'ÿre

COLECCIÓN
XYZ

KUIMBA'EREKO MBARETEJEPORU'ÿRE



Ministerio de las Mujeres,
Géneros y Diversidad
Argentina



Para la traducción a lenguas originarias de los materiales de la Editorial Mingeneros se respetaron los criterios acordados por lxs traductorxs y sus comunidades respecto del uso de determinadas palabras en idioma español para facilitar la comprensión del texto.

Oñembohasa haguâ ypykue ñe'ême umi tembiporu Editorial Mingeneros-pegua oñemonei umi mba'e ñe'êmbahasahára ha hetâyguakuéra he'íva ojeporu haguâ ñe'ênguéra español-pe ikatu haguâicha hasy'ÿve oñentende haguâ jehaipyre.

Autoridades nacionales

Presidente de la Nación

Dr. Alberto Ángel Fernández

Vicepresidenta de la Nación

Dra. Cristina Fernández de Kirchner

Jefe de Gabinete de Ministrxs de la Nación

Lic. Santiago Andrés Cafiero

Ministra de las Mujeres, Géneros y Diversidad de la Nación

Ab. Elizabeth Gómez Alcorta

Secretaria de Políticas contra la Violencia por Razones de Género

Dra. Josefina Kelly Neila

Subsecretaria de Abordaje Integral de las Violencias por Razones de Género

Prof. Laurana Malacalza

Directora Nacional de Políticas de Prevención de las Violencias por Razones de Género

Lic. María del Valle Aguilar

Directora de Programas Integrales de Prevención

Lic. Cecilia Maloberti Casellini

Mba'épa oî ipype

Kuimba'ereko mbaretejepo'ýre	
Ja(jo)py'amongeta(jeý)vo - Jepy'amongeta ñamopu'â haguâ tekojoja	6
Pe perspectiva de género jajepy'amongeta haguâ kuimba'ereko	7
Jajepy'amongeta(jey) rol-kuéra rehegua: pokatu ha heteronormatividad	10
Kuimba'ereko hatâvéva ha kuimba'ereko pyahukuéra	12
Hetami clave jajepy'amongeta haguâ ñemoambuére	18
Moñe'êrâty	19

Pe Ministerio de las Mujeres, Géneros y Diversidad de la Nación jejapohápe osê umi jepytasokuérágui ojapóva oñondivepa ymaite guive umi movimiento feminista ha diversidad rehegua, ha avei ha'e Gobierno Nacional ko'ágagua decisión política omopu'â haguâ pe agenda género rehegua.

Umi problema mbaretejeporu ha tekojoja'y rehegua ndaha'éi peteî tapicha añonte mba'e, ha'e ningo ha ha'eva'erâ de interés público y político opa sociedad-pe guarâ. Ñañe'êvo mbaretejeporu género-re ha ñantendéramo upéa ombohovake tekojojápe, upéicharô umi política ha tembiapo ojejoko ha oipytyvô haguâ oñemoirûva'erâ umi política-re ha tembiapóre oñemoarandu haguâ ha ohechauka haguâ derecho-kuéra.

Ore rembiapópe rombohechauka umi kuña ha LGBTI+ derecho-kuéra, ha romokyre'y umi ñemoambue tekotevêva iñambue haguâ umi condición omboguatáva ha omotenondéva umi desigualdades estructurales por motivos de género.

Roñemboyke peteî desafío guasúpe oñorairôva peteî disputa cultural-pe tekojoja rehehápe ha ome'ê haguâ ñembohováí umi problemática específica-kuérape ombohasa'asýva umi kuña ha LGBTI+.

Upévare rojapose ko tembiapo, roñeporandu haguâ umi discurso ha sentido establecido-kuéra rehe. Peteî tenda ikatuhápe romokyre'y ñombyaty pyahu ha iporâvéva, oñemboja'óva tekombóe ha ikatuhápe roguahê opárupi ko tetâme.

Ko sello editorial osê peteî tembiapógui ojejapova'ekue oñondive ombyatýva ñe'ê, ñomongeta ha umi mba'e iñeikotevêva ojequata haguâ upe tape rupi ñandereraháva Argentina inclusiva ha diversa jaipotáva mopu'âhápe. Umi colección ha material-kuéra oíva pype ha'ese peteî tembiporu tekombóepe guarâ, ojehechauka ha oñemokyre'y haguâ pe pensamiento crítico. Peteî ñembyatyha oíháme heta mba'e género ha diversidad rehegua, tomokyre'y tembiapo ha jepy'amongeta pyahu, ha tomoambue tekotevêhápe jaiko haguâ peteî sociedad hekojovávape opavavépe guarâ.

Kuimba'ereko mbaretejepo'ýre

Ja(jo)py'amongeta(jeý)vo - Jepy'amongeta ñamopu'â haguâ tekojoja

Ñañemotenonde haguâ peteî sociedad hekojojavévape, tekotevê ñamoî foco umi sistema-pe omombaretéva umi tekojoja'ý ha mbaretejeporu. Uperâ, imba'eguas ningo ñamoîvo ñemongetahápe umi patrón social ha cultural-kuéra omohu'úva umi estereotipo, identidad ha relación-kuéra género apytépe.

Ko contexto ñambuévape ha oíháme heta ñomomngeta mbarete género rehegua, umi kuimba'ereko ha mba'éichaguápa pe kuimba'e rol ijyvateve ko'ága umi ñomongeta, omongu'éva jepytasoreko oja'póva movimiento feminista ha del colectivo LGBTI+. Umía ohechaukáva investigación, publicación, ñembyaty, organización ha colectivo-kuéra omoîmoîva hikuái ñe'ê ko ñomongeta guasúpe, ha omoîvo avei ñeporandu ha jepy'amongeta pyahu.

Ko sentido-pe, ndikatúi ndaja'etí oíha heta kuimba'e oñepyrûha oñekuestiona hembiapokuéra, jeguerovia, ñeimo'â ha umi mba'e iporâva ñandéve oñembo'ýva ha okakuaáva pe identidad masculina. Upéicharamo jepe, oí hatâ gueteri upe identidad corriente dominante-icha upe he'íva kuimba'ekuéra opytaha okápe ko'â proceso omoambuévagui ha omboguatáva ko'â estereotipo de género homofóbico-kuéra ha mbaretejeporu kuña ha LGBTI+ rehe.

Ñañepyrûvo ko'â premisa-gui, MMGyD guive ro'e ojepy'amongeta ha oñemba'apo haguâ umi kuimba'ereko rehe perspectiva de género ha diversidad guive. Omohesakâ ñandéve mba'éichapa oñeplantea umi problema de género, ojehechaukávo umi mbaretejeporureko ha ñemboykereko oñeguahêvo upépe peteî proceso formativo-pe kuimba'ekuéra rekovépe oíha peteî cultura pype omoneíva umi mba'e. Upéicha, oñemba'apóramo ko'â tema ha'e estratégico, upe guive ikatu oñeñepyrû umi proceso oñemoambue haguâ cultura diseño e implementación de políticas públicas rupive.

Ko'â kuatia rogue ñanemokyre'ý jajepy'amongeta haguâ ha jajapo haguâ oñondivepa. Pe hembipota ningo ha'e toiko chugui tembiporu moambueha puesta en común de conceptos guive ha umi mba'e iporâva ñañemongeta haguâ, ñembokatupyry ha ñomongeta guasu opavave oñondivepa ikatu haguâ jaha hese tapére opotunidad ha derecho tekojoja rekávo.

Pe perspectiva de género jajepy'amongeta haguâ kuimba'erekóre

Pe género ha'é peteî concepto iñambue ohóvo ha ha'é umi mba'é sociedad oha'aróvo tojapo tapichakuéra sexo oñeme'évare chupekuéra heñói guive ha oî peteî orden binario-pe: kuña (tako) = kuñareko / kuimba'é (tembo) = kuimba'ereko. Ko definición ombohape heta mba'é ñande rekovekuérape mba'apóicha, economía-icha, ñande relación ambuekuérandi, ha ambue demensión-kuérape avei.

Pe concepto ombyaty umi idea sociedad-kuéra omopu'áva mba'eichagua rehegua ha'éva'erâ "kuña" ha "kuimba'é" modelo binario-icha omo'áva ha ombotovéva ambue identidad-kuéra. Upéicha, socialmente oje'e mba'épiko iporâ ha ojejapova'erâha, mba'emba'épa chupekuéra guarâ, mba'épa oñanduva'erâ ha oha'aróva'erâ tendakuéra oiháme hekovekuérape ha hapichakuérandi, ámbito privado-pe (ógape, ogaygua ndive) térâ ámbito público-pe (mbo'ehaópe, mba'apohápe térâ organización social-kuérape).

Upéicha, género ha inormakuéra oike ñane akâme jepokuaapy rupive ha umi mba'é ojehekombó'e ñane mitâ guive, ñe'ê ha teko rupive. Pe género oiko mecanismo de apariencia natural-icha he'íva mba'emba'épa iporâ / naiporâi, ojejapo / ndojepapói, omopu'ávo upéicha peteî sistema de valores ha upe guive ñande jajapóvare oma'ê ñande rapichakuéra ha ñande avei.

Umi proceso ñanembo'éva ha omoíva ñane akâme sociedad he'í mbaretéva ojehero socialización genérica, umi mba'épe ñande ñañemoarandúvare oiko haguâ ñandehegui yvyporakuéra oî ñaiméramo atyhápe, tapichakuéra ñaiméva cultura histórica, social ha determinada-pe.

Pe socialización genérica rupive, jaikuaa mba'épa he'ise sociedad-pe guarâ kuimba'é térâ kuña, ha upejave jajapo avei ñane identidad umi esquema de referencia pype. Upéicha oñemombarete peteî mirada binaria ha jerárquica omoneíva kuimba'ekuérape kuñakuéra ári, ha upekuévo, ombotovy ambue identidad-kuérape ha orientación-kuérape ikatuha oî.

Jaiporúvo upe concepto de género tembiporúicha ñama'ê haguâ arapyre ha relación-kuéra tapicha apytépe, jaiporu pe perspectiva de género. Ko ñema'ê ohechaka pe trama de significaciones, oñemombe'úva ha oñeimo'áva omohendáva ñande rekove.

Pe perspectiva de género ha diversidad ha'e peteî tenda roñemoihápe, upéicha rohecha arapy roma'évare ha ojehechaka oïha tekojoja'ý oïva avei ambue género-kuéra apytépe heta ámbito orden social-pe ha tapichakuéra rekovépe. Mokôi perspectiva oñomoirû ha ohechaka oïha mbaretejeporu, tekojoja'ý ha ñemboykereko opárupi ha ymaite guive ombohasa'asýva kuña ha LGBTI+.

→ Jajepy'amongetávo estereotipo-kuéra rehe

Umi tekojoja'ý oïva género-kuéra apytépe osê peteî sistema-gui omohendáva sociedad-pe jerarquía reheve ha oconfigura relaciones sociales, políticas, culturales, económicas ha ambientales: pe "patriarcado". Upe estructura social patriarcal opu'â pe joavy oïvagui género-kuéra apytépe, omé'êvo tapichakurape característica ha rol-kuéra ha oï tapicha omoïvape peteî relación jerárquica-pe peteî tapicha ambue tapicha ári.

Umi estereotipo ningo ha'e umi mba'e heta oimó'áva ha oñeimo'áva are guive peteî tapicha atýpe, ha upe mba'e rupive oñemé'ê característica-kuéra, rol ha tembiapo-kuéra. Hetavéramo ko'â idea-re oñemomba'e ha omboja'o tapichakuéra, oñepyrû oñeimo'â ha'eha "leyes naturales o dadas de antemano" oikóva katuete ha teotevêhápe, omopehê pe "sentido común", ha upéva ombohasyve ojepy'amongeta haguâ, oñekuestiona haguâ ha, ivaivéva, oñemoambue haguâ.

Ko sentido-pe, peteî estereotipo ha mba'e oñeimo'áva peteî tapicháre género rehe ohechauka'ýva mba'éichapa ikatupyry, iñarandu ha iderechokuéra. Umi estereotipo de género he'i ojoavyha, oïha característica-kuéra, rol-kuéra ha tembiaporânguéra omoheñóiva umi tekojoja'ý género-kuéra apytépe ha ha'e avei ñe'ê ñemboykereko rehegua, orekóva rehe ipype mba'e oñeimo'áva ombo'apo'íva kuña ha LGBTI+.

Umi estereotipo de género ombohasyve hekove rapekuéra ha oñemonei haguâ kuña ha LGBTI+ derecho-kuéra.

→ Pe enfoque interseccional

Umi tekojoja'ý oïva género-kuéra apytépe ndikatúi ñaimo'â oïha mombyry, umi oñomoirû ambue tekojoja'ý reheve tekotevéva ojeiporu peteî enfoque interseccional. Umi tekojoja'ý género rehegua osê avei ambue relación-kuéra gui hetave categoría-kuéra reheve, techapyrâme: edad, clase social, orientación sexual, identidad de género, ambue tetâgua, discapacidad, ypykuéra rekohagua téra ambue minoría-gua, ruralidad, privación de la libertad, ambue mba'e apytépe.

Ndaijojái ningo ha'éramo peteî kuimba'e morotî clase media-gua oikóva peteî tavaguasúpe; ha peteî kuimba'e clase baja-gua oikóva avei tavaguasúpe térâ peteî kuimba'e oikóva okaháre, hamba'e. Upéichante avei kuñanguéra ha LGBTI+ rehe ojetrata joavy chupekuéra clase social, etnia, térâ condición ante la ley rehe.

Jajepy'amongetáramo ñamoingévo pe enfoque interseccionalidad he'ise, ñepyrûháme, ñakuestiona umi estereotipo de género ha jaikuaa oîha hetaichagua kuña, kuimba'e ha ambue identidad-kuéra, upéicharô, umi género ikatu ningo hetaichagua, ojoavýva joehegui ha contextuales.

Jajepy'amongeta(jey) rol-kuéra rehegua: pokatu ha heteronormatividad

Tembiasakue ohasávo, mba'échapa oñemboja'ó umi tembiapo, ha umi mba'é ojejapova'erâha género-kuéra apytépe ohechauka peteî ñemboja'e mokôi arapy pa'úme. Ko división de tareas sexuada térâ genérica sociedad rehegua oñembo'y estereotipo ha expectativa de género-kuéra ári ogueraháva peteî ñemboja'ó joja'yva kuimba'ekuérape, kuñanguérape ha umi LGBTI+ pe guarâ oimeraê ámbito social-kuérape.

Ko sentido-pe, oñeme'êva'ekue kuimba'ekuérape umi rol oñembojoajúva ámbito de lo público rehe: mba'apo ojehepyme'êva, umi espacio institucional térâ empresarial-kuéra ojedesidihápe política rehegua, sindical rehegua, economía ha cultura rehegua, umi tenda ñemaoruduha, jekatupyry ha desarrollo rehegua, ombohapéva ojeguereko haguâ hetaichagua oportunidad. Ambue lado-re, umi rol hi'aguíva ámbito de lo doméstico y privado-re kuñáme guarâ: umi tembiapo oñeñangareko haguâ, umía ha'e tembiapo noñemba'eguasúiva gueteri, tekotevêha jaikove haguâ ha jaiko porâ haguâ ha hese'y ndikatuiha'amo'â oiko mundo público.

Pe mundo de lo público-pe oiko, oñeñongatu yma guive kuimba'ekuérape guarâ, orekóvo hikuái hetave prestigio ha ojehecharamove pe mundo de lo doméstico-gui, oñembojoajúva kuñakuérare, ndojehecharamoihápe ha kuimba'erecha ndohechakuaaihápe. Avei, ko modelo omomba'eguasúva umi rol género-re, ha'e binario ha upévare, omó'â ha ombotove ambue identidad de género-kuéra.

Mbaguekatuhápe, kuñanguéra oñepyrû ojapo umi mba'e ymaite guive ojapohague kuimba'ekuéra, katu ndohejái hikuái umi mba'e sociedad he'íva ojapova'erâha ógape, ko situación-pe ojehero doble jornada laboral.

Ko división sexual del trabajo reheve, ñemomba'eguasú, pe herakuáva ha ohechakuaáva sociedad kuimba'e ha kuñanguérape avei ojehecha oíha tekojoja'y ha jerarquía rehegua. Hetave, Ymaite guive oñemomba'eguasú kuimba'ekuérape mburuvicháramo heta mba'épe ha heta tendápe.

Ko pokatu ojehechakuaa trato-pe ha umi jepy'apeteî oíva hetaichagua tema-kuérape ha, avei, ko relación asimétrica de poder guive ojeporu mbarete kuñanguéra, mitanguéra ha LGBTI+ ári, hetaichagua modalidad oívape, ha upévare ojehero violencia machista térâ violencia por motivos de género.

Ipahápe, mirada de género ñanemonei jahecha haguâ umi imposición social-kuéra opyrû hatâ pe sexualidad rendápe. Ko incidencia ndaha'éinte oíha oñeha'ârôhápe

moralmente térâ ojehecha vaípe kuimba'ekuéra ha kuñanguéra heterosexual comportamiento sexual-pe, avei jahecha oñemboykeha opa umi expresión de sexualidad ha identidad ojoavýva modelo heterosexual binario-gui (“kuimba'e-kuña”).

Ko modelo he'i pe mba'e “normal” ha'éha oîramo “coincidencia” sexo oñeme'éva oñeheñói haguépe ha tapicha identidad de género añandúva (tapicha cisgenero-icha), ha tojeguereko atracción sexual añetahápe peteî tapicháre orekóva ambue sexo. Umi tapicha ndohóiva pe heteronormatividad reheve ikatu ojeporu mbarete hesekuéra, oñemboyke, ha umía. “Heteropatriarcado” ojehero kóa ko régimen de ideas, prejuicios y prácticas violentas yma guive ipu'akáva ha ko'ága gueteri ipu'aka heta ñande sociedad.

Kuimba'ereko hatâvéva ha kuimba'ereko pyahukuéra

Sociedad patriarcal-pe jaikuaa ikatu oî mokôi género (kuimba'e ha kuña) ha peteîteî ojapova'erâ umi mba'e oñeha'ârôva hesekuéra, umi mba'e "adecuado" ojeiko haguâ, ojepy'amongeta haguâ, ojejapo haguâ ha oñerrelasiona haguâ. Ndaha'etí upéante, avei mokôi género ojojava'erâ tetekuéra reheve.

Oñeha'arô jave kuña toikotevê ambuére, taikyrîva, toñandu heta, ha kuimba'ekuéragei oñeha'arô avei heta mba'e. Chupekuéra avei ojopy ko'â mandato ha ideal-kuéra oñembohasáva, oñemokyre'ýva ha oñemombaretéva socialmente.

Japytáramo ñama'é haguâ ko perspectiva guive, umi hekombo'e oñeme'éva kuimba'ekuéragei mba'épa rehe he'ise "kuimba'e reko", jajuha umi mba'e kuimba'ekuéra ojapóva, umi mba'e oipotavéva, umi hembiaipo ha imbaretajeporukuéra ha oñeimo'áva ha'eha género reko, ndoúi huguýgui ha avei ndaha'etí "leyes de la naturaleza", umíare ojepokuaa hikuái.

Pe Instituto de Masculinidades y Cambio Social (2019) he'i: "Pe kuimba'ereko ha'e peteî concepto relacional, oiko rehe oñembohovakévo kuñareko rehe. Ha'e, avei, peteî concepto ko'ágagua, ndaha'etí oñihague yma guive ha avei opavave ava rekokuéragei. Ha'e peteî significado aty, iñambue katuetéva, ñamopu'â ñande relación-kuéra rupive, ñanendive, ambuekuéra ndive ha arapy ndive. Pe kuimba'ereko ndaha'etí estática ha ndaha'etí atemporal, ha'e tembiasakue rehegua".

Oî peteî modelo ha'e haguâ kuimba'e, ñamboheróva **Masculinidad Hegemónica**, ombyatýva característica-kuéra aty ikatúva jahecha ha ñamombe'u.



Umi masculinidad hegemónica mandato-kuéra

1. Ha'eva'erâ heterosexual

Pe mandato peteîha ha imba'eguasuvéva oîva kuimba'ekuéra rekovépe oñerrelasiona identidad ha sexualidad rehe. Ja'emaháicha, oî upe noción de lo "normal" orekóva avei peteî sentido valorativo mbarete. Oñemongakuaa guive, ojeiporavóramo aorâ, umi juego ha juguete-kuéra, umi consumo cultural-kuéra ha upéi, tekove pukukue javeve, oî heta mba'e ojejapóva ha oje'éva ani haguâ kuimba'ekuéra ojapo térâ ojeporta kuñáicha. Oîramo ko'â mba'e, ogayguakuéra

oje'py'apy, "omybyasy" hikuái ha oñeha'â "omytyrô" haguâ térâ omoí haguâ tape porâme.

¡Upéa mitâkuñáme guarâ! - Kuimba'ekuéra nahasêi - ¿Mba'éichapiko nderehayhúi fútbol? - ¡Katuete oikova'erâ nde rapykuéri kuñataikuéra!

Upéicha pe heterosexualidad oñeimo'â ha'éva'erâha, noñeimo'ái ha'éha peteí orientación tembipota ha mborayhu rehegua. Pe orientación heterosexual ndaivaíri, katu oje'ramo ha'éha obligatoria ikatu ombohasa'asy LGBTI+ ha ipehenguekuérape, ha avei ikatu ogueru persecución, ñemboykereko ha mbaretejeporu tapicha atýpe.

2. Omongaruva'erâ

Oí rehe pe división sexual del trabajo, masculinidad hegemónicapype umi mba'é ojavova'erâha apytépe oí tohupyty pirapire omongaru haguâ hogayguápe. Ko rol oiko omedi haguâ kuimba'ekuéra éxito, dignidad ha autoestima-ramo, ha avei ha'é peteí validación ipokatu haguâ: "che ahepyme'ê opa mba'é, upécharô ápe ojejapo che ha'éva".

Upéare sapy'ante oiko apañuái ha'éramo kuña omoinge hetavéva pirapire ógape kuimba'égui ha kóa orekórô salario michîve térâ ndikatúiramo ogueru pirapire ndorekói rehe mba'apoha.

Upe contexto-pe, mbaretejeporu ikatu ojehecha oñeha'aramoguáicha ojeguerekojey haguâ pe pokatujeporu ñemongyhyje rupive, mbarete rupive ha japurâ rupive, pe pokatu ohóva noñemoheñoíramo pirapire ojepotáva. Pe tenda ojehepyme'éva tembiapo rehe ha'é "oñeñanduhápe" kuimba'ekuéra, ha ndojaposéi umi tembiapo ogapygua oimo'âgui ha'éha "kuña rembiapo", ndoguerúiva pirapire, térâ ndojapoiva'erâ ha'é "omba'apo haguére opa ára".

3. Imbareteva'erâ

Oñeha'arô ha ojeipota avei kuimba'ekuéra taimbarete ndaha'éinte hetekuéragai (umi tembiapo oñeikotevêvape tete mbarete oñeme'ê jepi kuimba'ekuérape ha umi omba'apóva mbarete ipy'aguasu ha ovy'a omba'apo rehe umíare), avei taimbarete hikuái iñakâgui. Upéicha, okyhyjéramo, ovy'a'yramo térâ ipy'akyr'yramo ha avei hasêramo térâ oañuáramo hapichakuérape, ojehecha vai jepi umía ha oje' ikangyha kuñáicha ha ndojeipotái upéva.

Kuimba'ekuéra oñemomba'é ko'â criterio-kuérare ha oipyhy hikuái chupekuéra guarâ ha ambue kuimba'ekuérape guarâ avei, oñeha'â haguâ peteí arapy ñañarâme, ha "ndaiporihápe tenda kangykuérape guarâ".

4. Ha'eva'erã independiente

Umi situación oĩháme py'amokõi, ndikatuihápe oñemyatyrô peteĩ apañuái térã oĩramo jepy'apy ha'ekuéra oñembohovake umíare ha'eñoite ha ndojerureguasúi oñepytyvô haguã chupekuéra, opa mba'e omyatyrôva'erã ha'ekuéra ha avavéndi. Pe sentimiento de independencia oñanduva'erã hikuái dignidad masculina-icha ha upéicha avei umi toma de decisiones-pe. Kuimba'ekuéra oñe'êva hembirekóndi ojepy'apeteĩ haguã oje'e hesekuéra ha'eha hikuái "pollerudos", "corte pollera" térã "gobernados". Ko'ã mba'e vai oñeimo'áva ho'a kuimba'ekuéra ári noñeha'arõigui upéa chuguikuéra, oñeha'áro oje'eháicha "llevar los pantalones" térã taipokatu kuimba'e haguére.

5. Taimbarete térã taipy'aguasu

Ojeipota "taimbarete" ha ojehecha vai ojekeyhyjéramo, katu ipy'aguasúramo, orekóramo conducta desafiente, arriesgada ha omongyhyjéva ojehecha porãiterei ha oje'ê ha'eha py'aguasureko.

Oĩ caso-kuéra, ojehechaha ko'ã mba'épe pe cultura del "aguante", upépe, ojejaposévare ndokyhyjéi haguére, kuimba'ekuéra ojapo heta mba'e vai chupekuéra guarã ha avei hapichakuérape guarã. Jeiko vai guive, umi actitud imprudente oimeraẽ tendápe transporte-pe térã mba'apohápe, ho'u hetáramo alcohol térã droga, apañuái ha jeiko vai guasu tapicha aty apytépe, mboka jeporu térã ambue mba'e jeporu, hamba'e, ikatu osê upégui mba'e vai tapichakuérape guarã.

6. Ha'eva'erã potente

Umi exceso ha umi conducta arriesgada avei oho kuimba'ekuéra vida sexual reheve. Ja'éramokuri pe heterosexualidad ha'eha, pe masculinidad hegemónica-pe, peteĩ modo obligatorio de la sexualidad, pe kuimba'ekuéra sexualidad ha heterosexual ojapo porãva'erã.

Ñepyrũháme, oñeha'arô kuimba'ekuérãgui taikyre'ý, toguata mbarete, toguerekose mante relaciones sexuales ha "conquistar" térã "levantarse" kuñanguérape, hetavéramo umi "conquistas" ikatupyryve hapichakuérape guarã. Pe vida sexual oñemomba'eguasú hazaña-icha, oñemboaguara hetavéramo ha py'ýramo ha ndaha'ei upéicha calidad afectiva reheve.

Mba'éichaite ojopy pe rol oñeha'arôva socialmente ikatu ombohasa'asy kuimba'ekuéra desempeño sexual. Techapyrãme, ijetu'úvo chupekuéra ohupyty haguã peteĩ erección omoangata chupekuéra, sapy'ante oñekuestionape "hombría" ha ombya pe autoestima orekóva hikuái.

Ambue mba'é vai conducta de riesgo-kuéra rehegua ha'e, techapyrâme, ndojepuruséiha preservativo ha mba'épa ogueru upéa ha'éva puru'â ndojeipotáiva ha avei umi mba'asy transmisión sexual rehegua (ITS). Pe responsabilidad método anticonceptivo jeporu rehegua oñeme'é jepi kuñanguérape, orekova'erâha ha ombohovaiva'erâha ndoikóiramo. Katu, ndaha'éinte oíha comportamiento riesgoso-kuéra oúva ko sexualidad masculina-gui, avei oí violencias de tipo sexual, pe acoso-icha, ñerârô, sextorsión térâ pornovenganza-kuéra.

Pe tenda oñemoihápe kuñanguéra imaginario de la masculinidad hegemónica-pe ha'e peteí clasificación estereotipada ombojoavýva umi "buenas" térâ "decentes" ha "atorrantas", térâ "fáciles". Ko clasificación ojgueraha mombyry pe prejuicio machista-pe oje'évo ha oñeimo'âvo kuña ha LGBTI+ ha'éha imba'ekuéra.

Imba'eguasú ñamombe'úramo mba'éicha pe sexualidad patriarcal ohechauka porâ umi relaciones asimétricas de poder ha pe valoración diferencial ojejapóva kuimba'ereko ha kuñareko apytépe. Kó'a he'ise, pe acto sexual ojehechaha ha'erôguáicha peteí relación oíhame peteí ipokatúva, oimehápe peteí vore "activa" ha ambue "pasiva". Ko mentalidad ombo'apóiva ha omotĩndýva kuñareko rehe ojehero misoginia, ha oí pe mbaretejeporu género-re rapópe umi kuña, mitâ ha LGBTI+ ári.

Ikatu oñemoíve heta umi estereotipo de género ko jepapahápe, techapyrâme, ikatupyryha heta deporte-kuérape, oipurukuaáha hikuái tembiporu, mba'yrukuéra térâ máquina-kuéra, ha'éha hikuái "canberos", "piolas", oje'e haguâ iñaranduha hikuái ha ndaitavyha hikuái, ohayhúha ñeha'â, ha'éha "vagos" (ambue tendápe ñene retâme ko ñe'ê ojeporu oñe'ê haguâ karia'ykuérare), ha hetave mba'é.

→ "Toñemokuimba'e" - "Hacerse hombre"

Ko sociedad heteropatriarcal-pe "kuimba'e" tenda ha'e peteí pokatu renda.

Kuimba'ereko ha pokatu oñembojoaju mbarete ha kó'a ohechauka, techapyrâme, mba'eichapa ojeporu pe término "capo" oñe'ê haguâ kuimba'ére, ñe'ê he'iva pe tapicha oíha yvateve. Ko pokatu he'ise oíha tapicha opytáva peteí tenda iguyvévape, hetave kuñanguéra ha LGBTI+ ha avei ambue kuimba'ekuéra.

Pe pokatu renda orekóva umi "hombres bien machos", "hombres hechos y derechos", "hombres de la casa" ndaha'éí tenda ojeikehápe ojeguereko haguére

tembo. Kóá oñeikotevê katu ndojehupyteí upéarente. Kuimba'ekuéra ohasava'erâ, imitâ javeve ha ikakuaa javeve, peteî tapére oîháme hetaichagua prueba de hombría. Ko'â prueba ojapo avei ritos de iniciación ramo "oñemokuimba'e haguâ", peteîha relación sexual-icha, omba'yumboguatukuaáicha, peteîha imba'apoháicha, peteîha oka'urôguáicha, ho'urôguáicha peteî sustancia térâ ojaporôguáicha peteî hecho delictivo.

Pe mba'e ojojoguávare ko'â rito de iniciación-kuéra ha'e oîha ambue kuimba'ekuéra ojehechakuaávape ko py'aguasu ha ñemongyhyje. Ha ko mba'e, pe "jehechaukapy" oikóta opa tekove, ambue kuimba'ekuérandi ha hendive avei, oñeha'âvo ndojapói haguâ umi mba'e oikohápe chugui tapicha kangy térâ ipy'amiríva (oñeimo'áva ha'eha kuñanguérareko reheguánte).

Ko tekotevê ojehechauka mante haguâ ko sociedad ojeruréva omokyre'ý pe competencia kuimba'ekuéra apytépe, pe competencia oguahê sapy'a mombyryve "premio" oîhágui (ta'e material, sexual, social) ha oikóva pe mba'égui peteî ñorairô prestigio rehe, kóá he'ise, mávapa ha'e "más hombre", "quién la tiene más grande", térâ "quién tiene más aguante".

Kóare pe masculinidad hegemónica ombopy'arupu mante tapichakuérape. Mba'éichapa oñemyatyrô térâ oñembopy'aguapy pe py'aropu ha kuimba'ereko py'akangy ojejuhúta noñema'êguasúiramo mba'épa ojechupyty, ha oñema'êva mba'épa ndojejaposéi.

Kóá he'ise, kuimba'ekuéra –mombyryve umi mba'e ohupytyvágui– oñeñandu porâtaha kuimba'ereko reheve ikatúramo ojapo'ý umi mba'e oje'éva ha'eha "kuña rehegua", "mitâ rehegua" ha "homosexual rehegua", ojaporô tembiapo ogapegua, okyhyjérô, térâ ijao rehe.

→ Masculinidad hegemónica repy ha privilegio-kuéra

Ojehechaháicha, pe masculinidad hegemónica hepy kuimba'ekuérape guarâ oñeñendúva kuimba'éicha. Ko'â ningo ha'e costos emocionales, ikatu'ý rehe ohechauka mba'épa oñandu hikuái; hasýramo avei, noñeñangarekoguasúí rehe hesâi haguâ ha umi comportamiento de riesgo-kuéra; ogayguakuéra, ndaipóri rehe umi lazo afectivokuéra ha avei comunicación; ha social, ambuekuéra apytépe. Upéicharamo jepe, Ko'â hepyre kuimba'ekuéra ndohechakuaái jepi, katu, oñemonei ha'erôguáicha "leyes de la vida" incuestionables. Hetave, oñekuestináramo oje'e ha'eha ikangyreko rehe: "hay que bancársela".

Imba'egwasu ja'éramo, pe masculinidad hegemónica ha'éha peteî pokatu renda, ha kuimba'ekuéra oreko peteî tape oike haguâ umi privilegio guasuetépe, oime haguâ peteî decisión rendápe, oreko haguâ sexualidad okyhyje'ÿ crítica-re, oime haguâ okápe árape ha pyharépe. Kuimba'ekuéra ikatu oplanifika, omopu'â ha ojapo hekove mba'apo rehegua, mbo'ehao rehegua, tapicha aty rehegua, ikatuve hikuái hi'ára jára kuñanguéragai ha LGBTI+gui, oñembohavakéva jepi hikuái jepy'apeteî rehe, jepy'amokôî rehe ha apañuaikuéra rehe omboguata haguâ hekovekuéra ha kuimba'ekuéra ndoikuaái umía, noima'ái hikuái.

Hepypyréicha, umi privilegio ndojehecháí upeichagua, oñeñenadu ha'éha derecho básico-kuéra, natural ha elemental. Upévore, pe tembiapo ojehechauka ha oñekuestiona haguâ hasy ha ojejapova'erâ.

Hetami clave jajepy'amongeta haguâ ñemoambuére

Pe Ministerio de las Mujeres, Géneros y Diversidad he'i, ojapo ha ojpoka política-kuéra oity haguâ umi patrón socialha cultural-kuéra ombohape umi estereotipo-kuéra, umi identidad ha umi relación género-kuéra apytépe ha ome'éva tenda umi mbaratejeporu género-re, hetaichagua oíva.

Pe Estado rembiapo ningo imba'eguasueterei omoañete haguâ pe tekojoja género-kuéra apytépe, omosê haguâ pe ñemboykereko ha mbaretejeporu kuñakuérare, mitânguérare ha LGBTI+ rehe, umi tembipota oí ñande marco normativo nacional-pe ha avei tembiporu internacional-kuérape Argentina oîháme avei.

Upéicharamo jepe, ñañemotenonde haguâ peteî cambio cultural añetehápe omokyre'ýva mba'ekuéra tekojoja rehegua, imba'eguasú jaikepáramo ñañeporandúvo ñane rembiapo ára ha ára rehegua ha mba'épa jajapo ñane año ha ñande rapichakuérandi.

Umi concepto ha jepyamongetakuéra oíva ko documento-pe oñeméê peteî tembiporúicha oñemoinge haguâ pe perspectiva de género ha diversidad ha oñemombarete haguâ umi concepción hetaichagua kuimba'ereko oíha, hekojojáva ha heta ojejoko haguâ umi mbaretejeporu género rehe.

Roipota ha romokyre'ý umi kuimba'ereko oñembo'ýva tekojojápe, omboja'óva tembipapo ñeñangareko rehegua, tojeka pe "pacto de caballeros" ha umi vínculo sexoafectivo-kuéra responsabilidad, ñamopu'â haguâ oñondivepa peteî sociedad isásóva ha hekojojáva jahecháva ñande kerayvotýpe.

Moñe'êrâty

Cook, Rebecca J. y Cusack, Simone. (2010). Estereotipos de Género: Perspectivas Legales Transnacionales, pág. 23. Disponible en: https://www.law.utoronto.ca/utfl_file/count/documents/reprohealth/estereotipos-degenero.pdf

Fabbri, Luciano (2020). Repensar las masculinidades, clave para prevenir la violencia. Instituto de Masculinidades y Cambio Social - Iniciativa Spotlight.

Instituto de Masculinidades y Cambio Social. (2019). Varones y masculinidad(es). Disponible en: <https://argentina.unfpa.org/sites/default/files/pub-pdf/Varones%20y%20Masculinidades.pdf>

Olavarría, José (Comp.). (1997). Masculinidad, Poder y Crisis. ISIS Internacional – FLACSO Chile.

Segato, Rita (2010). Las estructuras elementales de la violencia. Buenos Aires: Prometeo.

Traducción realizada por el Centro Universitario de Idiomas de la FAUBA.

Ko ñe'ẽñembohasa ha'e Centro Universitario de Idiomas ha FAUBA rembiapo.

Edit.
mingeneros

COLECCIÓN
XYZ

editorial@mingeneros.gob.ar

Direcciones

Balcarce 186, 6° piso,
C1064AAD

Entre Ríos 181, 9° piso,
C1079ABB.

Av. Paseo Colón 275, 5° piso
(mesa de entrada),
C1063ACC

Cochabamba 54,
C1064ACA.

Teléfono

+54 943429010 / 7079
(Recepción Paseo Colón)

MinGenerosAR   

**primero
la gente**



Ministerio de las Mujeres,
Géneros y Diversidad
Argentina

ISBN 978-987-47999-2-0

